

**Datum: 19.02.2017.**

**Broj: 06-01-711**

*Svim medijima, dostavlja se*

## **Zajednička komisija za odbranu i bezbjednost BiH dostavila nezakonit prijedlog kandidata za imenovanje parlamentarnog vojnog povjerenika BiH**

*Transparency International u BiH upozorava da bi imenovanje iste osobe na poziciju parlamentarnog vojnog povjerenika BiH u trećem mandatu predstavljalo najgrublje kršenje Zakona o parlamentarnom vojnom povjereniku BiH*

**Sarajevo, 19. februar 2018.** – Zajednička komisija za odbranu i bezbjednost Parlamentarne skupštine Bosne i Hercegovine uputila je u parlamentarnu proceduru prijedlog o imenovanju kandidata na poziciju parlamentarnog vojnog povjerenika BiH, koji će biti razmatran na 57. sjednici Predstavničkog doma PSBiH, zakazanoj za 20. februar 2018.

Transparency International u Bosni i Hercegovini upozorava da bi imenovanje iste osobe na poziciju parlamentarnog vojnog povjerenika BiH u trećem mandatu predstavljalo najgrublje kršenje Zakona o parlamentarnom vojnom povjereniku BiH. Naime, Zakon o parlamentarnom vojnom povjereniku BiH jasno precizira da mandat parlamentarnog vojnog povjerenika BiH traje 5 godina, s mogućnošću jednog ponovnog izbora, s tim što je trajanje mandata prvog parlamentarnog povjerenika Bosne i Hercegovine ograničeno zaključno sa 30. junom 2012.

Imajući u vidu da je, kako je navedeno na veb stranici parlamentarnog vojnog povjerenika Bosne i Hercegovine, trenutni kandidat za poziciju parlamentarnog vojnog povjerenika već obnašao funkciju parlamentarnog vojnog povjerenika Bosne i Hercegovine u dva mandata, i to u periodu od 16.09.2009. do 27.11.2012. i od 27.11.2012 do 27.11.2017., imenovanje iste osobe u trećem mandatu bi predstavljalo direktno kršenje Zakona o parlamentarnom vojnom povjereniku, i potpuno zanemarivanje propisanih procedura.

TI BiH podsjeća da je Zakonom propisana uloga parlamentarnog vojnog povjerenika jačanje vladavine prava i zaštite ljudskih prava i sloboda, te bi nezakonito imenovanje u ovom slučaju, ne samo obesmisliilo njegovu ulogu, već dodatno vodilo ka urušavanju povjerenja javnosti u institucije Bosne i Hercegovine.

Transparency International u BiH je uputio zahtjev Parlamentarnoj skupštini Bosne i Hercegovine da dostavi informaciju po kom pravnom osnovu se predlaže imenovanje iste osobe za poziciju parlamentarnog vojnog povjerenika Bosne i Hercegovine, imajući u vidu ograničavajuće odredbe navedenog zakona.